

Sarajevo, 02. decembar 2024.

GRAD SARAJEVO

n/r Predrag PUHARIĆ, gradonačelnik Sarajeva
n/r Jasmin ADEMOVIĆ, predsjedavajući Gradskog vijeća

Predmet: Molba za promjenu lokacije i vremena trajanja događaja 2. Festival svjetla Sarajevo

Poštovani,

Menadžment Zemaljskog muzeja BiH je kroz namjerno odugovlačenje i bez zvaničnog raskida trogodišnjeg Ugovora onemogućio održavanje ovogodišnjeg Festivala svjetla Sarajevo u Zemaljskom muzeju BiH.

Stoga smo prinuđeni promijeniti lokaciju Festivala, kojeg je prošle godine posjetilo više od 50.000 posjetitelja.

Sadržaje Festivala planiramo u narednom periodu (15.12.2024. – 01.03.2025.) postaviti na dvije lokacije – Veliki park na Ilidži i Trg djece Sarajeva, kako bi u njima tokom predstojeće zimske sezone potpuno besplatno uživali građani i posjetitelji Sarajeva.

Molimo vas, kao nekoga ko je finansijski podržao realizaciju ovogodišnjeg Festivala svjetla Sarajevo, da nam omogućite promjenu lokacije i vremena trajanja događaja, odnosno da sredstva koje ste nam odobrili za realizaciju 2. Festivala svjetla Sarajevo u iznosu od 50.000,00 KM, a za šta smo potpisali i Ugovor br. 01/14-11-3681-5/24 od 17.07.2024, iskoristimo za postavku bogatih i atraktivnih sadržaja Festivala svjetla Sarajevo na lokaciji Trg djece Sarajeva i Veliki park na Ilidži u periodu 15.12.2024. – 01.03.2025, a kako bismo kreirali atrakciju za građane i posjetitelje Sarajeva.

Ostajemo na raspolaganju da vam pružimo bilo kakve dodatne informacije ukoliko su vam potrebne, a kontaktirati nas možete putem broja: 061 685 820 ili e-maila natasa.musa@sarajevonavigator.ba

U nadi kako ćete izaći u susret našoj molbi;

Srdačan pozdrav,



Predsjednica IIO

Natasa Musa

Pregled Dokumentata | Broj 26/24

Početna (/) : Dokumenti (/Docs/) : Službene novine Kantona Sarajevo (/Docs/Drzavni) Dokumenti pregled

Službene novine Kantona Sarajevo, broj 26/24

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), te člana 2. stav (4), a u vezi sa članom 4. stav (3) Odluke o uslovima i postupku prihvatanja pokroviteljstva Grada Sarajeva ("Službene novine Kantona Sarajevo", broj 5/06), Gradsko vijeće Grada Sarajeva na 41. sjednici održanoj dana 19.06.2024. godine, donijelo je

ODLUKU

O PRIHVATANJU POKROVITELJSTVA 2. FESTIVAL SVJETLA SARAJEVO

Član 1.

Ovom odlukom Gradsko vijeće Grada Sarajeva prihvata Pokroviteljstvo za finansijsku podršku realizaciji projekta 2. Festival svjetla Sarajevo, koji će se održati u Zemaljskom muzeju BiH u periodu od 25. novembra 2024. do 01. marta 2025. godine.

Član 2.

Finansijska sredstva za pokroviteljstvo iz člana 1. ove odluke odobravaju se Fondaciji "Sarajevo Navigator" u ukupnom iznosu od 50.000,00 KM (slovima: pedesethiljada i 00/100 KM).

Član 3.

Sredstva iz člana 2. ove odluke odobravaju se iz Budžeta Grada Sarajeva za 2024. godinu ("Službene novine Kantona Sarajevo", br. 55/23 i 13/24), sa pozicije: 614300: Tekući transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva.

Član 4.

Gradonačelnica Grada Sarajeva će sa organizatorom manifestacije iz člana 2. ove odluke zaključiti poseban Ugovor kojim će se regulirati međusobna prava i obaveze.

Član 5.

Za realizaciju ove odluke zadužuje se gradonačelnica Grada Sarajeva putem Stručne službe za poslove kabineta i poslove Gradske uprave i Gradske službe finansija.

Član 6.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-832/24
19. juna 2024. godine
Sarajevo

Predsjedavajući
Gradskog vijeća
Jasmin Ademović, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (<mailto:sllist@sllist.ba>)

Kontakti

Centrala

Tel: 033/722-030

Email (<mailto:info@sllist.ba>)

Uredništvo

Tel: 033/722-038

Email (<mailto:urednistvo@sllist.ba>)

Pravna služba

Tel: 033/722-051

Email (<mailto:info@sllist.ba>)

Računovodstvo

Tel: 033/722-045, Fax: 033/722-046

Email (<mailto:racunovodstvo@sllist.ba>)

Pretplata

Tel: 033/722-054

Email (<mailto:pretplata@sllist.ba>)

UGOVOR
o realizaciji odobrenih sredstava iz
Budžeta Grada Sarajeva za 2024. godinu
(Primjena Odluke o uslovima i postupku prihvatanja pokroviteljstva Grada Sarajeva)

Zaključen u Sarajevu, između:

1. Grad Sarajevo, ul. Hamdije Kreševljakovića br. 3, Sarajevo, koga zastupa gradonačelnica, prof. dr. Benjamina Karić, u daljnjem tekstu: Grad Sarajevo;

i

2. Fondacije „Sarajevo Navigator“, ul. Hasana Brkića br. 45/1, Sarajevo, koju zastupa Nataša Musa, predsjednica Upravnog odbora, u daljnjem tekstu: Korisnik.

Član 1.

Predmet Ugovora je realizacija odobrenih sredstava iz Budžeta Grada Sarajeva za 2024. godinu („Službene novine Kantona Sarajevo“, broj: 55/23 i 13/24) sa pozicije 614300: Tekući transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva, u iznosu od 50.000,00 KM (slovima: pedesethiljada i 00/100 KM).

Član 2.

Sredstva planirana u Budžetu Grada Sarajeva za 2024. godinu na poziciji iz člana 1. ovog ugovora odobrena su po osnovu molbe Korisnika, zaprimljene na protokol Grada Sarajeva pod brojem: 10-11-3681/24 od 19.04.2024. godine, za finansijsku podršku realizaciji projekta 2. Festival svjetla Sarajevo, a koji će se održati u Zemaljskom muzeju BiH u periodu od 25. novembra 2024. do 01. marta 2025. godine, kao i Odluke o prihvatanju pokroviteljstva 2. Festival svjetla Sarajevo („Službene novine Kantona Sarajevo“, broj 26/24).

Član 3.

Grad Sarajevo se obavezuje da će novčana sredstva iz člana 1. ovog ugovora doznačiti na račun Korisnika, broj: 1610000090930042 kod Raiffeisen Bank d.d. BiH, (svrha uplate: finansijska podrška realizaciji projekta 2. Festival svjetla Sarajevo). Realizacija finansijskih obaveza Grada Sarajeva iz člana 1. ovog ugovora vršit će se u skladu sa ostvarenim sredstvima Budžeta Grada Sarajeva.

Član 4.

Korisnik se obavezuje da će odobrena sredstva iz člana 1. Ugovora utrošiti namjenski, u skladu sa Odlukom o prihvatanju pokroviteljstva 2. Festival svjetla Sarajevo („Službene novine Kantona Sarajevo“, broj 26/24), prema zahtjevu iz člana 2. Ugovora i dostavljenim budžetom projekta sa specifikacijom troškova, i to za: trošak angažiranja umjetnika koji učestvuju na Festivalu, uključujući i transport djela od Sarajeva i natrag i zakup tradicionalnih medija (OOH, radio oglašavanje).

Član 5.

Korisnik sredstava se obavezuje da će u roku od 15 (petnaest) dana nakon utroška sredstava iz člana 1. ovog ugovora, gradonačelnici Grada Sarajeva, putem Stručne Službe za poslove kabineta i poslove Gradske uprave koja je zadužena za praćenje i realizaciju ovog ugovora, dostaviti izvještaj i finansijsku dokumentaciju o namjenskom utrošku sredstava koja su doznačena iz Budžeta Grada Sarajeva za 2024. godinu, i to:

- Narativni Izvještaj o namjenskom utrošku sredstava dodijeljenih iz Budžeta Grada Sarajeva za tekuću godinu;
- Pregled utroška dodijeljenih sredstava sa obrazloženjem u skladu sa finansijskom konstrukcijom iz Zahtjeva;
- Ovjerene kopije faktura ili fiskalni račun od davaoca usluge ili dobavljača;
- Izvod banke o izvršenom plaćanju na račun komitenta.

Član 6.

Korisnik je saglasan i obavezuje se da će u svim javnim i promotivnim istupima, uključujući društvene mreže i ostale kanale komuniciranja, kao i svaki drugi pogodan način, isticati značaj, ulogu i podršku Grada Sarajeva u realizaciji ovog projekta.

Član 7.

Grad Sarajevo zadržava pravo da zahtijeva povrat odobrenih sredstava iz člana 1. Ugovora ukoliko utvrdi da Korisnik nije namjenski utrošio ista.

Član 8.

Ugovorne strane su saglasne da sve eventualne sporove rješavaju mirnim putem, a u protivnom ugovaraju nadležnost suda u Sarajevu.

Član 9.

Na odnose između ugovornih strana koji nisu određeni ovim ugovorom primjenjuju se odredbe Zakona o obligacionim odnosima.

Član 10.

Sve eventualne dopune ili izmjene ovog ugovora moguće su samo sačinjavanjem Anex-a ugovora isključivo u pisanoj formi.

Član 11.

Ugovor stupa na snagu danom potpisivanja od strane ovlaštenih lica ugovornih strana.

Član 12.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka

**GRAD SARAJEVO
GRADONAČELNICA**

Prof. dr. Benjamina Karić

Broj: 01/14-11-3681-5/24
Sarajevo, 17. 07.2024. godine



**Fondacija „Sarajevo Navigator“
Predsjednica Upravnog odbora**

Nataša Musa

Broj: 07/17-2024-1
Sarajevo, 17. 07.2024. godine

